

中國經濟志

中國經濟志

南京市

土地

建置

南京之名始於明。戰國時楚滅吳，奄有吳域，以其地有王氣，埋金鎮之，此爲金陵得名之始。秦稱秣陵縣，故又有秣陵之稱。南京建都，始於吳，孫權都此，曰建業。晉五胡亂華，元帝走保江，東都此，曰建康。宋、齊、梁、陳因之。六朝之名由此而起。石晉天福間，南唐李氏都此，曰西都，而以江都爲東都。明太祖遂元，再建帝京，曰應天。成祖遷都北京，以應天爲南京。此南京名稱之由來也。滿清入關，夷爲江甯府治，設上元、江寧二縣。太平天國克金陵，都此，曰天京。民元革命，總理任臨時大總統，定南京爲國都。南北和議成，政府仍設北京。民國十六年國民政府遷總理遺志，確定南京爲首都，并劃外郭以內地爲南京市，設立市政府，直隸國府行政院。二十一年指定西安爲陪都，洛陽爲行都，仍以南京爲首都。

位置

南京位於東經一百一十八度四十五分，北緯三十二度八分，在長江下游東岸。東距揚子江口，約四百公里。由鐵道直達上海，約三百一十公里。西距漢口七百二十八公里。東距三藩市一萬零五百五十一公里。西距倫敦一萬九千九百零九公里。紐約二萬三千三百六十三公里。南距星加坡四千六百二十五公里。四面環以城垣，長凡三四·二三公里。大爲國內各城之冠，并爲世界大城之一。

城垣

南京設城，其源甚古。最初地址甚狹，僅限於今之臺城一帶，其後代有增擴。今之巍峨巨城，築於明初。自明洪武二年九月興工，至六年八月告成。外郭周圍一百八十里，闢堯化、仙鶴、麒麟、滄波、高橋、上方、夾岡、雙橋、鳳臺、大安德、小安德、馴象、江東、佛甯、上元、觀音十六門。至清夷爲蔓草，名存實亡。內城周圍六十一里，闢鳳儀、金川、神策、鍾阜、太平、朝陽、正陽、通濟、聚寶、三山、石城、定淮、清涼十三門。清加關豐潤、草場二門，封閉金川、清涼、鍾阜、定淮四門，民國十年加闢海陵門，國民政府新闢武定門，共十七門。但民間俗呼正陽爲洪武門，聚寶爲南門，三山爲水西門，石城爲漢西門（或作旱西門）其本名翻渺知者。國民政府奠都後之次年，南京特別市政府決議，改定城門名稱，易朝陽爲中山，豐潤爲玄武，聚寶爲中華，海陵爲挹江，正陽爲光華，鳳儀爲興中，神策爲和平，呈請核定改建竣工。即今總攬全國，典型千邑之首都城。

疆域

南京規定市區，東以烏龍山外郭遺址，南以鐵心橋、西善橋、大勝關、界江寧；西以長江、浦口、鎮江、浦北以長江界。六合面積四七七·八五方公里。計佔江寧縣境四五八·二〇方公里，佔江浦縣境一九·六五方公里。警察市區，僅轄內城城區及浦口一隅，面積六五·二五方公里。內佔江甯縣境五八·四五方公里，佔江浦縣境六·八〇方公里。規定市區因與江甯縣府劃界爭議未決，暫照警區管轄面積爲市區範圍。江甯全縣面積二、一九二、五五〇方公里，較之規定市區，爲一與五之比。較之警區爲一與三九之比。

南京市區首都警區與江甯縣區面積比較表

面積別	方公里	面積別	方公里
規定市區面積	四七七·八五四	市區在江寧境內面積	四五八·二〇四
警區管轄區域	六五·二五〇	市區在江浦境內面積	一九·六五〇
		警區在江寧境內面積	五八·四五〇
		警區在江浦境內面積	六·八〇〇

江寧全縣面積

二、二九二·二五〇

市區與江寧面積之比
警區與江寧面積之比

一比五
一比三九

地勢

南京地勢，高出吳淞最低水平綫約五公尺至十五公尺。城內南部地多平坦，東部略有高山，西北則小山起伏，惟無高出海面八十五公尺者。城外大小山嶺甚多，山坡峭峻，東部之紫金山，高出平地二百四十公尺，為全境最高處。北部八卦洲南岸有一帶山脈，其中重要而高者為老虎山，高一百八十公尺。浦口近郊各處，地多平坦卑濕，夏季常為水淹。其北則有高山一列，高百公尺以上。南部諸山皆小，最著者為雨花台。揚子江兩岸，皆為大幅地段，江潮漲時，每被淹沒。據此可知南京地勢，至為高下不齊。

山脈

南京市區山脈，分城外城內二支：

1. 城外山脈

來自安徽之黃山，至句容為三茅山，至江寧為湯山，為棲霞山，入境為烏龍山。溯江西行至觀音門為直瀆山，俗名觀音山。東麓若渴龍飲江，長伸入水為燕子磯。南折至和平門為幕府山，沿山十二洞為南京著名勝地。北折至城北為獅子山，即歷史上有名之盧龍山，峙於城而瀕於江，歷為軍事要塞重地。繞城迄東，蟻峙於太平門中山門之東北者，為紫金山，一名鍾山。西為天堡城，南為中山陵。起伏於城南者為聚寶山，一名雨花山，又通稱為雨花台。

2. 城內山脈

來自城外之鍾山，入太平門為富貴山、九華山。西行為雞鳴山，俗稱雞籠山，明設天文台於此，題名北極閣。今直稱為北極閣，中央研究院設有氣象研究所。迤西為鼓樓坡，即古之鐘鼓樓，今為鼓樓公園。小倉山在其側。由鼓樓而西為石城山，即楚時石頭城舊址；南唐築避暑宮於此，遂易名清涼山。其迤東之蛇山、五台山，迤南之盂山（古龍蟠里）迤北之馬鞍山、妙耳山、張家山、何家山、王家山、老虎洞，皆清涼之分支。再南為吳冶城舊址，為冶城山，明初於此設朝天宮，今多訛以宮名稱山。至秦淮河南，諸山在城西南者為鳳凰山，俗呼花盞岡。隔城與長干里相連。在城東者為赤石磯，磯上突矗一岡，曰紫巖，遺有周處讀書台。凡此岡巒起伏，皆聚寶之分支。

河流

南京河流，長江最著。城垣東、西、南三部，有護城河環繞，內地水運，多利賴之。西北有惠民河。可資船舶避風。湖泊亦多，著者爲莫愁、玄武。

1. 長江

長江由西南來，經大勝關入境，至江心洲南，分爲二流，東部支流名夾江，至洲北端合而北流。至距下關二公里半處。又分爲二，中爲八卦洲，湖南名夾江，至洲東端合而東流，經烏龍山北麓出境，東入於海，在南京港口停輪界線內，水深一五·八公尺（四七·五市尺）至三一·六公尺（九五市尺）面寬一六八〇·四公尺（五〇四一·二八市尺）狹處亦在一一〇九·五公尺以上。河流速度，每小時約四海里（二海里合一八五三·一五公尺）潮水高漲度數，冬季爲六公尺至一公尺二寸，夏季常少於三公尺。且有多處河身特寬，足供巨艦之廻旋，雖有颶風，小不爲患，爲世界最大航路之一。

2. 秦淮河

原名淮水，相傳由秦始皇導淮入城，洩金陵王氣，更名秦淮。上源有二：西源出溧水縣之東廬山，東源出句容縣之華山，分道至江寧方山埭會而北流，經土山、上方橋、中和橋、至共和門外之九龍橋，與護城河會。西流由東水關入城，水西門出城，注入護城河，城內經過夫子廟、朱雀橋、烏衣巷、釣魚台、武定橋等地。成半環形，稱爲六朝煙月之區。至今畫舫櫓比，遊人如織。通小汽船，航行於湖、熟、溧水間。

3. 護城河

源於鍾山，導入城壕。循城經中山門、光華門，至共和門外與秦淮河會合。仍循城根經中華門、水西門、漢西門北下，由三汊河注入長江。通划船，爲城南北運輸要道。

4. 城渠

起城內乾河沿，東流經北門橋、蓮花橋，左納進香河水，再東流經浮橋、珍珠橋、笠橋而南流，左納溪支流，再南至第一公園之復成橋，更與東來之明代御河會合。仍南流經大中橋至東水關，注入秦淮河。此渠蓋卽楊吳時代引以護城之城壕，明時擴充城垣，乃包於城內。西流至淮清橋，有青溪西來注之。

5. 青 溪 青溪昔源鍾山，南流入城，舊道多湮。（八府塘即其遺跡）迄今僅餘一支，自門帘橋東南流，經娃娃橋、昇平橋，循南唐宮壕（王府塘）故道，經四象橋、淮清橋，入府塘側，注入秦淮河。

6. 運 漕 由內橋路交角引青溪西流，經鴿子橋、筍橋、鼎新橋、文津橋、張公橋，直抵西城根。由鐵銜橋出城，注入護城河。另支由筍橋西南流，經草橋、紅土橋，至陡門橋，注入秦淮河。

7. 惠民河 由三汊河承護城河之水北流，縱斷下關，經中山北路惠民橋，由老江口注於長江。

上列諸河，水利之富，首推長江。次如秦淮上游及護城河，亦足供運輸。至於城內渠漕，皆無水利之可言，水質污穢，不能供飲料。自來水源，取諸城外大江濁流中，千載豔稱之錦繡秦淮，實際已成爲污穢糞溝，行者咸須掩鼻而過。

8. 玄武湖 在玄武門外，本古桑泊，吳寶鼎間開城北渠，引前湖水流入新宮，名後湖。宋元嘉中築隄壅水名北湖，相傳同時黑龍見，因名玄武湖。湖周約四十里，中有新、老、長、菱、芷五洲，今改稱美、歐、亞、澳、非五洲。經市府闢爲公園，名五洲公園。現僅美洲開闢，正計續開亞歐兩洲。出產有果實菱藕，尤以櫻桃爲著。湖中可放魚四十萬尾，現放八萬餘尾。

9. 莫愁湖 在水西門外，湖周圍約六里，湖中遍植菱荷，與岸柳汀蘆交相映輝，澄泓一碧，風景極佳。相傳因南齊時有女盧莫愁居此得名。今市府已闢爲公園，名莫愁湖公園。

地 質

南京土壤，分爲二類：一爲沖積層之泥，一爲肥土。後者見於城中各處及西北部之斜山，泥土之洩水力甚微，每有相隔祇二公尺之水池，水平即相差異，城外之山，大半爲硬脆之石質所成，石灰質甚少，其成分之最著者，爲石英、沙石、孕子石等。地層之主要方面，爲東西二向，而斜度則南向五十餘度。

氣 候

南京位於北緯三十二度八分，氣溫寒暑適中，氣壓冬高夏低，風雨調勻。農作物生長期頗長，茶在攝氏表五度下，

稻在零下五度，便不能生長。南京雖有此更低之氣溫，為期却短。

1. 氣溫 南京氣溫，自有紀錄以來，以攝氏表三十八度為最高，零下十三度為最低。夏至約在二十八度，低於北平高於廣州各一度。冬至約六度，高於北平十一度，低於廣州八度。證之中央研究院氣象研究所二十二年之紀錄，亦以三十八度為最高，零下十度為最低。超過三十二度之氣溫，為六、七、八、九等月。不及零度之氣溫，為十一、十二、一等月。每月最高最低及平均氣溫如左表：

月份	最高溫度	最低溫度	平均溫度(攝氏)
一月	八·九	(一)一〇·九	(一)一·一
二月	一九·八	(一)五·四	(一)五·四
三月	二六·八	(一)〇·四	一〇·〇
四月	二八·一	三·二	一四·三
五月	三一·六	一二·八	二〇·四
六月	三四·八	一五·九	二三·六
七月	三八·一	二二·八	二九·一
八月	三七·一	一九·六	二七·三
九月	三三·九	一〇·三	二二·一
十月	二九·二	九·〇	一七·六
十一月	二一·四	(一)二·四	九·五

十二月

一六·六

(一) 五·八

五·八

2. 氣 壓 南京因在北緯三十度左右，又係內陸，故全年氣壓之變化，冬季高而夏季低。夏至氣壓約在七五·二至七五·四公厘，冬至氣壓約在七六·八至七七·〇公厘。證之氣象研究所二十二年氣壓之紀錄，以一月份七五·四一公厘為最高，七月份三七·一八公厘為最低。每月最高最低及平均氣壓如左表（公厘）

月 份	最高氣壓	最低氣壓	平均氣壓
一 月	七五·四一	五七·五三	六六·七八
二 月	七一·八一	四四·三一	六一·五一
三 月	七〇·三五	四八·八九	五九·五五
四 月	六五·八八	三九·八一	五四·三五
五 月	五九·二七	四六·五七	五二·八四
六 月	五五·三九	四三·四〇	四九·四二
七 月	五〇·三二	三七·一八	四五·五八
八 月	五五·八三	四〇·九二	四七·九四
九 月	六二·八二	五一·一〇	五五·七六
十 月	六五·五六	四九·二〇	五八·四二
十一 月	七二·五四	五一·一六	六二·九〇

土 地

七

十二月 七十一·三六 五五·五〇 六四·〇四

3.雨量 空中水分，隨氣溫之高低凝結下降。氣溫在攝氏零度以上者，下降為雨為露。氣溫在零度以下者，下降為雪為雹，或凝為霜。南京適當北緯多雨帶，濱海瀕江，故每年雨量，平均約為一〇八一·三公厘。下雨日數，約佔全年日數百分之三五。比之上海雨量，每年平均一一四七·九公厘，僅略減少。雨季分二期：一期為四月，二期為五月至九月。每年凝霜約四十餘日，最早起於十一月一日，最遲終於四月六日。降雪期，早起於十二月一日，終止於三月七日。證之左列氣象研究所二十二年雨量霜雪之紀錄，推移無多。

月份	雨量(公厘)	降雨日數	凝霜日數	降雪日數
一月	一四·六	七		
二月	七〇·五	一二		
三月	六四·九	一一	十六日止霜	七日止雪
四月	一八七·三	二〇		
五月	七〇·五	一四		
六月	一三三·二	一九		
七月	一三八·九	一五		
八月	一一六·三	一三		
九月	三三·〇	一五		

十月	五月·六	一一		
十一月	一三·八	五	四日降霜	
十二月	二八·三	九		一日降雪
合計	九三〇·九	一五一	四二	一一

4. 風向 南京爲夏至季候風、冬至季候風、及颱風經過地帶、全年普通風向、約分北北東、北東、東南東、南南東四向、颱風惟七、八月最多。風力以十一月之南南東爲最強、每秒速率約二三公尺、勢可折枝走石。其次爲五月之東南東、及十二月與一月之北北東。降雨可能性最大之風向、爲東、北、北東三向。各月風向速率等如左表：

月份	風向	速率(每秒公尺)	降雨可能性最大之風向
一月	北北東	一八·六	東
二月	北東	一九·七	北
三月	北北東	一八·五	東
四月	東南東	一七·七	北東
五月	東南東	二二·五	北東
六月	東南東	一九·四	北東
七月	北東	二二·二	東
八月	南東	二一·七	北東

土地

九月	北東	一七·四	北西
十月	北東	二〇·三	東
十一月	東南東	二三·一	北
十二月	北北東	一八·六	北

名勝古蹟

金陵爲我國東南一大都會，夙擅山水林泉之勝，名勝古蹟，代有增置。自國府奠都，踵事增華，首都風物，愈爲世人所推重。南京市府恐其代久年湮，致使觀光人士，欲攬勝探幽莫知所從。曾派調查加以考證，綜計不下三四十處。遠如湯山、棲霞山、牛首山諸勝，不屬於京市範圍者，亦摭拾靡遺，界說惜欠分明。茲擇其爲世人所稱道，隸屬於市區範圍以內者，分區列舉於次：

1. 東區

明故宮 在城東南隅，爲明紫禁城舊址，一名皇城，洪武二年九月建。成祖遷都北京，移宮殿巨材至北備營造，後經洪楊及光復兵燹，跡遂蕩然。今存午朝門門基及五龍橋遺跡，於中山門之西光華門之北。

四方城 在今中山門外，東西南北各一城，成四方形，亦明初所建。

明孝陵 在中山門外舊靈谷寺，爲明太祖與馬皇后靈槨合葬地，懿文太子祔於左，松柏錯雜，儼成岡陵，其前爲馬皇后梳粧台，高五丈餘，下有隧道作穹窿形。再前爲祭堂，懸有墨筆太祖遺像，堂前石獸翁仲羅列。清太祖南巡，親題治隆唐宋四字，勒之碑亭，吾人瞻仰之餘，尤應佩其以武力收復河山，貴激民族主義之偉績。

總理陵園 在中山門外東北十里鍾山之麓，與明孝陵東西並峙。陵園面積，都四萬五千八百餘畝，奄有鍾山全部，巒嵒岐嶇，

氣象雄偉。陵居園之中部，前爲梯形石級，計十三層。拾級而上，經陵門石碑亭直達祭堂，內供總理石膏坐像。後壁爲墓門，墓室作穹窿

形，室中爲大理石壙，壙中設長方形墓穴，卽總理靈柩奉安之所，穴上覆以大理石臥像一座。園內闢有果園、竹林苗圃，並有其他農作物。園之西南，闢有植物園，廣羅中外花木，爲研究改良植物之所。全部工程，融會中國古代與西方建築之精神，堅樸壯麗，別創新格，足以表示一時代之藝術。

譚院長墓 在靈谷寺後，前爲祭堂，後爲墓道，路徑曲折，別饒林泉之趣。

靈谷寺 寺址原在鍾山獨龍岡，梁天監中爲誌公改建於鍾山玩珠峯，名開善精舍，簡稱開善寺，宋改名太平興國寺，旋復更名蔣山寺，明太祖以其寺址爲孝陵，敕改建於東五里地，賜額靈谷寺，卽今之靈谷寺也。歷爲南京著名叢林，洪楊兵燹，殿宇多燬，惟無量殿尙存，廊後經新修，始復舊觀。寺內古跡凡四：一淨土指南碑，碑有吳道子畫，李太白贊，顏真卿字，爲唐代建築物。二蟠龍石，石刻蟠龍，形似碑額，爲明代雕刻物。三龍池，池成正方形，深數尺，位於寺傍，亦明代建築物。四誌公塔，在無量殿北，塔高五層，因失修毀壞。寺內植名貴牡丹多種，春日花發，賞者接踵。

國民革命軍陣亡軍士公墓 公墓現正建築中，其計劃，擬就靈谷寺五方殿舊址及無量殿東西各距千尺之山間中，建築公墓三處，修復無量殿爲祭堂，建紀念堂於誌公塔前，造紀念塔於其後，地點適位於總理陵東，完成後可西與孝陵東西對峙，並列爲三，同爲民衆所瞻仰。

中央運動場 在譚院長墓南，面積寬廣，設備齊全，看台容六萬餘人，台下隔成房間，足供運動員二千七百人住宿。

紫霞洞 在明孝陵東北里許，廣容十餘人，上有清泉，水味甘美。

九龍橋 在通濟門外，橋有五銜，下臨護城河，建於明代，市府於該處設有游泳池，爲夏令市民游泳之地。

夫子廟 在秦淮河北岸，東碑樓文德橋旁，正中爲大成殿，後有明倫堂尊經閣。現市府以大成殿爲市立圖書館，明倫堂爲市

立夫子廟小學校之一部。廟前大牌坊亦經市府改修，並就四週空地，闢爲廣場，游藝磨集，百戲雜陳，茶坊酒肆，鱗次櫛比，實爲市集之中心點。

秦淮河 在復成橋西，城內之水以此爲綱。相傳由秦始皇導淮洩氣得名，歷爲六朝烟月之區，南朝金粉之所會萃。今則污穢不堪，過此掩鼻。自市府厲行禁娼，淫靡之風少息。

明遠樓 在市府大門口，明永樂時建，爲貢院建築物之一，方形三層樓，今猶巋然獨立。府內飛虹橋，係青石築成，橋下有長方形水池。府前秦淮小公園，均爲貢院舊址，經市府修飾，爲市民息游之所。

韜園 在復成橋東岸，爲清蔡和甫築，現爲江蘇省立民衆教育館，花草亭樓，佈置頗精，秦淮風月，於此爲勝。

第一公園 在復成橋東，原名秀山公園，爲故軍閥李純遺貲所建。自革命軍克復南京後，遂更今名。內分烈士祠、將士紀念塔、歷史博物館、逍遙遊各部，並保存重逾數百斤，橫寬八尺長丈餘之鐵質飛來剪一把，供衆展覽。

2. 南區

白鷺洲公園 在武定門內小石壩街附近，三面環水，臺榭相間，古木差參，風景清幽，或謂卽唐李白所咏之白鷺洲。

周處台 在中華門內三條營觀音廟後，相傳晉周處曾讀書於此。

報恩寺 在中華門外，宋代所建，原名長干寺，明時改今名，現市立米行街小學設於其內。

雨花台 在中華門外，相傳梁武帝時有雲光法師在此講經，忽天花亂墜，故名。形勢險要，歷爲兵家必爭之地。光復時革命軍與清軍亦曾劇戰於此，迄今猶有遺跡可尋。台上崗子石產五彩石子，燦爛悅目，就地婦孺多拾以售客。台麓永寧泉相傳爲天下第二泉，泉凡二眼，水味甘美，泉東有茶社，遊者可憩此淪茗。台陰有方孝孺墓，爲明代忠臣。頂有方亭，係紀念孝孺先生之建築物。憑亭游目，

氣象萬千。

劉園 在中華門外雨花台附近，一名又來園。爲清劉舒亭明府之別墅。園內有劉公墩、雲起樓、又來堂、淩波仙館、擁翠堂、紫青閣、師竹軒諸勝，山水清幽，別饒雅趣。

胡園 在門西鳴羊街，昔爲徐錦衣西園，一易主而爲吳中丞用光之園，再易主而爲胡煦齋太守所得，一名異園。園中設計，係仿大觀園形式，蓮池亭榭，假山叢篁，備極幽邃玲瓏。年來園內房屋租人居住，用是傾圮毀廢不堪。

3. 西區

莫愁湖公園 在水西門外，因盧莫愁得名。梁武帝常作河中之水歌，以詠其事。市府闢爲公園，供人遊憩。園中猶存勝棋樓、曾公閣、粵軍烈士墓諸古跡。勝棋樓五間，在湖濱華嚴庵內，明太祖與徐中山王曾奕棋於此。樓下爲鬱金堂，中懸莫愁女及中山王遺像。曾公閣在勝棋樓西，爲寧人追念兩江總督曾文正公而建。烈士墓民國元年建，內有總理所書「建國成仁」大石碑。

朝天宮 在漢西門東，爲古冶城遺址，宋名大慶觀，元名元妙觀，旋改永寧宮。明洪武中重建，賜額朝天宮，凡大朝賀，於此習儀。清中葉改建文廟。

龍蟠里 在漢西門內，清薛時雨主講之惜陰書院即在里內，風景絕佳，爲西城冠，一名薛廬，附近有顏魯公、曾文正公沈文肅公三祠。

浙江烈士祠 在龍蟠里東南，內建碑亭，刻民元光復時浙軍死難之烈士姓名，碑亭後爲祠堂，兩旁樓台，佈置井然。

烏龍潭 在薛廬後，成橢圓形，中有宛在亭，六方高二層，爲晉代建築物，舊說因晉時潭見烏龍得名。

清涼山 在漢西門內，爲城內西部高邱，本市自來水蓄水池築於此。山上勝蹟，有清涼寺、掃葉樓、六朝井、茅亭、九華勝蹟、耶教土地

公墓、方亭等。清涼寺在清涼山上，原名興國寺，南唐昇元初改名石頭清涼禪寺，佛殿三楹，周環朱垣，掩映於綠樹叢篠間。掃葉樓在清涼山南，爲明遺老掃葉僧龔半千所建，內懸遺像，佈置古雅，足供遊客休憩。登樓遠眺，城郭江山，宛列眼底。六朝井在清涼寺後，久圯，尙存半圈井欄。茅亭在清涼山頂，登臨遠眺，四大皆空。九華勝蹟在清涼山山路之右，房屋完整，清初所建。耶教公墓亦在山頂，圍以短牆，老樹參天。方亭在清涼寺前左側，以形方得名，爲民初所建。

石頭城

在漢西門外，本吳時土塢，後因山加甃，因江爲池，形勢險固，有金城湯池之喻，亦名石首。

4. 北區

鼓樓

在北極閣西，明洪武十五年建，基成長方形，高十餘丈，下闔三門，上爲暢觀閣，閣內有清聖祖戒碑高二丈餘。民國十

二年改建公園，並建八角亭一座，周圍遍植花木假山水池，佈置井然。現中央研究院設天文研究所於樓上，鼓樓公園，遂歸該院經理。

鐘亭

在鼓樓無量庵傍，成六角形，高數丈，清江寧藩司許振禴建，掘臥鐘廠之鐘懸其上，叩之聲聞數里。

北極閣

在鼓樓東北，元時所築，因年久失修圯廢，現中央研究院就閣址建築氣象台，其旁設有無線電台。

六朝松

在中央大學梅庵內，高三丈餘，相傳爲六朝時物。

鷄鳴寺

在成賢街北，內有豁蒙樓，樓北向，遙瞻玄武湖。樓東更有一樓，東向曰景陽樓，爲明代所建。樓下有胭脂井，一名景陽

井，爲陳時宮井。

施食台

在鷄鳴寺前，相傳元時刑人於此，常有鬼魅祟人，洪武初延西番僧設壇施食以度之。

台城

在鷄鳴寺北，魏晉謂天子所居，禁省爲台，故名台城。梁承宋齊之舊，宮殿皆在台城。武帝遭侯景之亂，餓死於此。現僅

有遺址一段未圯，與城牆相接，登城遠眺，鍾山後湖，歷歷在目。

玄武湖 經市府闢爲公園，名五洲公園。美洲全部開闢，正計續開亞歐二洲。洲上遍植櫻桃，春日櫻花盛開，美麗絕倫。桃味鮮美，爲南京著名出產之一。夏季荷花怒開，更爲增色。美洲勝蹟，有湖神廟、賞荷廳、觀音閣、湖心亭及張端二公祠。祠原名陶公亭，初祀端陶齋尙書，後改陶然亭，合祀張文襄。現爲市府昆明義務小學校。洲上居民多置游艇供客雇用，小者容數人，特號容十餘人。

鍾山 在太平門外，俗呼紫金山，又名蔣山。周圍六十里，高一百六十八丈。琳宮碧宇，都四十餘所，上有天堡城、革命紀念塔、徐達墓諸勝。天堡城形勢險要，歷爲兵家所必爭，光復時革命軍與清軍曾劇戰於此。塔高數丈，峙立城旁，民元所建，以紀念光復時天堡城一役死難諸烈之豐功偉績也。徐墓在太平門外，鍾山之麓，翁仲石馬，羅列亦壯。

5. 下關區

獅子山 在興中門外，其脈來自定淮門，上有閱江樓，建有炮台，蒼翠玉立，林樾蔽天，擅高屋建瓴之勢。

燕子磯 在觀音門外，磯石突立江上，三面壁懸，形如飛燕故名。上有清御碑亭，登磯俯視，洪濤駭浪，勢極險峻。

幕府山 在和平門外江濱，周圍三十餘里，高七十餘丈。沿山勝蹟，有永濟寺、觀音閣、崖山十二洞等。寺內峭壁懸崖，洵稱奇觀。閣築寺旁，高約數丈，有鐵鍊下墜丈許，相傳爲明劉青田之繫舟處。崖山十二洞，現存三洞，餘均湮沒難考。三洞形勢，附誌於左：

頭台洞 在永濟寺旁，奇石森然，窮穴透邃，有洞上通崖頂，洞旁巨石一方，上刻明太祖朱元璋所書壽字，其旁另有一石

凸出山岩，形奇特似人首。

二台洞 在頭台洞西，結樓山腰，內有一洞，相傳可通京口。

三台洞 在二台洞下，內有觀音塑像立於石橋上。橋下有泉，泉右有小洞，旭光一線，上透絕頂，故名小有天。泉左有岩穴，通玉皇閣，登臨遠眺，崖山諸景，盡收眼底。洞內有大石碑立山岩下，刻吳道子所畫觀音像，爲唐代雕刻物。

劃區

市治設城南秦淮河北岸貢院內，暫照警區，轄地六五·二五〇方公里。自治區域初爲二十一區，至二十一年三月併爲八區，并與首都警區同其範圍。又以首都機關之集中，闡明故宮一帶，爲中央政治區。故宮以北爲軍用區。光華門以北，外五龍橋以南，八寶前街以東，爲政治區之住宅區。大方巷、老菜市、古林寺一帶，爲新住宅區。下關中山碼頭以南，三汊河以北，護城河以西，爲第一工商業區。茲將自治區、警區、特別區、列表對照於左：

南京市各種區劃對照表

自治區	經	界	警區	特別區	經	界
第一區	中山路以東中山門以西九華山以南中山東路以北	第一區署	中央政治區	明故宮一帶		
第二區	中正路以東沿城以西中山東路以南光華門通濟門青溪以北	第二區署	政治區住宅區	明故宮以北一帶		
第三區	光華路鍾阜路以西東冶路以西青溪以南長樂路以北	第三區署		光華門以北外五龍橋以南沿城以西八寶前街以東		
第四區	南鍾阜路以西長樂路秦淮河水西門以南雨花台以北沿城以西	第四區署				
第五區	中山路中正路以西草場門漢西門莫愁湖以東秦淮河昇州路以北漢口路以南	第五區署				
第六區	定淮門沿城以東雞鳴寺玄武門沿城以西和平門鍾阜門挹江門以南漢口路以北	第六區署	新住宅區	大方巷老菜市古林寺一帶		
第七區	護城河回龍庵水關橋以西揚子江心以東和記碼頭以南三汊河以北	第七區署	第一工商業區	下關中山碼頭以南三汊河以北護城河以西		
第八區	揚子江心以東九洲洲鐵路河以西海關分卡以南永生州以北	第八區署				

土地分類

京市地籍測量各項基本工作，自十七年十一月開辦以來，由前土地局業將城內及下關所需三角道線水準等